

ԱԳՐԲԵՉԱՆԱԿԱՆ ՀԵՌՈՒՍՏԱԱԼԻՔՆԵՐԻ ԻՐԱՎԻՃԱԿԱՅԻՆ ԴԻՏԱՐԿՈՒՄ

Վարուժան Գեղամյան

Համացանցի զարգացմանն ու օրավոր տարածմանը զուգահեռ, հեռուստատեսությունն աշխարհի շատ երկրներում տեղեկատվության առաջնային աղբյուր է մնում: Բացառություն չէ նաև Ադրբեջանը: Դիտարկենք վիճակագրությունը. 2005թ. ԵԱՀԿ Մամուլի ազատության ներկայացուցիչների զեկույցում նշվում է, որ մայրաքաղաք Բաքվում բնակչության 83%-ը, իսկ շրջաններում՝ 93%-ը հեռուստատեսությունը դիտարկում է որպես տեղեկատվություն ստանալու հիմնական աղբյուր¹: Իսկ *Internet World Stat*-ի տվյալների համաձայն՝ Ադրբեջանում համացանցից օգտվողների թիվը կազմում է ընդհանուր բնակչության շուրջ 25%-ը²: Այսինքն՝ կարելի է եզրակացնել, որ բնակչության մնացած մասը տեղեկատվության հիմնական աղբյուր է դիտարկում հեռուստատեսությունը (հաշվի առնելով նաև այն, որ Ադրբեջանում թերթերի և ամսագրերի մեծ մասը լույս է տեսնում մայրաքաղաք Բաքվում և անհասանելի է շրջաններում ապրող բնակչությանը): Տեղին է նաև նշել, որ ԱՄՆ Պետդեպարտամենտի 2009թ. անցկացրած սոցիալոգիական տվյալների համաձայն՝ հարցվածները իրենց պատասխաններում որպես տեղեկատվություն ստանալու գլխավոր աղբյուր առաջին 8-ը նշել են հեռուստատեսություններ, որոնցից 6-ը ադրբեջանական³:

Այսպիսով, հակահայկական քարոզչության գլխավոր զենքերից մեկն ադրբեջանական հեռուստատեսությունն է, որի թիրախային հիմնական խումբը ներքին լսարանն է: Սակայն կան նաև նոր միտումներ, և այդ առումով հիշատակության արժանի է նոր բացված *ATV International* հեռուստաալիքը, որն ունի քառալեզու, ներառյալ՝ հայերենը, ամենօրյա լրատվական թողարկումներ:

Սակայն մինչև այժմ չկա որևէ ուսումնասիրություն այս ոլորտում, որից հնարավոր լիներ նվազագույն տվյալներ ստանալ ադրբեջանական հեռուստաալիքների, դրանց գործունեության, կիրառած քարոզչական (հատկապես հակահայկական) թեզերի և մեթոդների վերաբերյալ:

Սույն աշխատանքով փորձել ենք զուտ փաստական տվյալներ տալ Ադրբեջանի Հանրապետությունում գործող հեռուստաալիքների և դրանց գործունեության վերաբերյալ:

Նախ փորձենք համառոտ տեղեկություններ տալ Ադրբեջանի հեռուստատեսային ոլորտում ձևավորված իրավիճակի մասին: Չանդրադառնալով խորհրդային ժամանակաշրջանի պատմությանը ուղղակի նշենք, որ 1956թ. փետրվարին՝ Բաքվի հեռուստաաշտարակի կառուցումից երկու տարի անց, սկսեց գործել ադրբեջանական հեռուստատեսությունը: Այն, բնականաբար, հիմնական բնութագրերով նման էր միութենական մյուս երկրների հեռուստատեսություններին:

1991թ. հետո Ադրբեջանում սկսեցին բացվել նոր հեռուստաընկերություններ: 2009թ. աշնան տվյալներով՝ Ադրբեջանի Արդարադատության նախարարությունում գրանցված է շուրջ 4000 անուն ՋԼՄ, այդ թվում՝ 17 ռադիոկայան, 8 հանրապետական, 14 տեղական և 13 կաբելային հեռուստաընկերություն:

Առհասարակ, Ադրբեջանի ՋԼՄ-ն կարգավորվում է «ՋԼՄ-ի մասին» օրենքով, իսկ մասնավորապես հեռուստատեսության ոլորտը՝ 2002թ. ընդունված «Ռադիո- և հեռուստատեսության մասին» օրենքով: 2003թ. հեռուստատեսության քաղաքականությունը համակարգելու նպատակով ստեղծվեց Հեռուստատեսության և ռադիոյի ազգային խորհուրդը: Նշենք նաև, որ 2008թ. հաստատվեց «Ադրբեջանի Հանրապետությունում ՋԼՄ զարգացման աջակցման պետական հայեցակարգը», որի շրջանակներում էլ 2009թ. Ադրբեջանի նախագահին կից ստեղծվեց ՋԼՄ զարգացման աջակցության պետական հիմնադրամը, որը անցյալ տարի շուրջ մեկ միլիոն մանաթ (համարժեք է \$1 250 000-ին) է տրամադրել շուրջ յոթ տասնյակ ՋԼՄ ծրագրերի⁴:

¹ http://www.osce.org/documents/html/pdftohtml/15783_en.pdf.html

² <http://www.internetworldstats.com/stats3.htm>

³ <http://www.regnum.ru/news/1283074.html?forprint>

⁴ <http://www.zerkalo.az/2010-02-11/short-news/6987-smi-vugarsafarli-gospodderjka>

Ադրբեջանի Սահմանադրությունը երաշխավորում է խոսքի ազատությունը, սակայն գործնականում իրավիճակն այլ է: Բազմաթիվ են դեպքերը, երբ փակվել են թերթեր, հրատարակություններ, անգամ ռադիոկայաններ և հեռուստաընկերություններ⁵:

Միջազգային ամենատարբեր կառույցներ շարունակաբար անդրադառնում են Ադրբեջանում խոսքի ազատության սահմանափակումներին և հանդես գալիս լուրջ քննադատություններով: 2006թ. վերջին *ANS (Azerbaijan News Service)* մասնավոր հեռուստաընկերության ժամանակավոր փակումը մեծ արձագանք գտավ: ԵԱՀԿ Բաքվի գրասենյակը հայտարարեց, որ *ANS* հեռուստաընկերությունն ամենաօբյեկտիվն է Ադրբեջանում: Հեռուստաընկերության փակման մասին որոշումը վերանայելու կոչով հանդես եկան նաև Ադրբեջանում ԱՄՆ դեսպանությունը, ԵՄ-ը, «Լրագրողներ առանց սահմանների» կազմակերպությունը և տեղական ու միջազգային այլ ուժեր⁶: Արդյունքում՝ մոտ մեկ ամիս անց նախագահ Իլհամ Ալիևի հատուկ թույլտվությամբ հեռուստակայանը վերաբացվեց:

Հիշեցնենք նաև, որ 2008թ. դեկտեմբերին Հեռուստատեսության և ռադիոյի ազգային խորհուրդն արգելեց արտերկրյա ռադիոընկերությունների հեռարձակումը *FM* ծածկույթում, որի արդյունքում փակվեցին այնպիսի ռադիոընկերություններ, ինչպիսիք են Բի-Բի-Սին, «Ազատություն» և «Ամերիկայի ձայն» ռադիոկայանները: Սա ևս արժանցավ մեծ քննադատության⁷:

Վերոնշյալի համատեքստում է ծավալվում հեռուստաընկերությունների գործունեությունը: Հեռուստա- և ռադիոընկերություններին եթերի արտոնագրեր է տրամադրում Հեռուստատեսության և ռադիոյի ազգային խորհուրդը, որի նախագահն է Նուշիրվան Մազերամլին:

Ադրբեջանում գործող հանրապետական նշանակության 8 հեռուստաընկերությունների մասին տե՛ս *Աղյուսակ 1-ում*.

Ադրբեջանական հանրապետական նշանակության բոլոր 8 հեռուստաալիքների եթերում պարտադիր են լրատվական թողարկումները: Ուստի, ավելորդ չենք համարում նաև նշել վերոհիշյալ հեռուստաալիքներով հեռարձակվող լրատվական ծրագրերը (*տե՛ս Աղյուսակ 2*): Դրանք եթեր են հեռարձակվում օրական մի քանի անգամ: Այսպես, *AZ TV* պետական հեռուստատեսության հեռարձակումներում աշխատանքային օրերին լրատվական թողարկումներին բաժին է ընկնում եթերի 205 րոպեն. ընդ որում, ադրբեջաներեն լուրեր (160 րոպե), ռուսերեն (15 րոպե), անգլերեն (30 րոպե): Իսկ *Ictimai TV* հանրային հեռուստատեսությամբ լսարանին մատուցվող լրատվության համար տրամադրվում է ընդհանուր 180 րոպե, այդ թվում՝ լուրեր ադրբեջաներենով (165 րոպե) և ռուսերեն (15 րոպե): *ANS* հեռուստատեսության լրատվական փաթեթը զբաղեցնում է եթերի 145 րոպեն: Ամենաշատ լսարան ունեցող հեռուստաընկերություններից *Lider TV*-ն լրատվության համար տրամադրում է իր 24-ժամյա եթերի 165 րոպեն: Բոլոր հեռուստաընկերությունները շաբաթվա վերջում ունեն վերլուծական-լրատվական հաղորդում, որի ընթացքում անդրադարձ է կատարվում շաբաթվա ընթացքում տեղի ունեցած իրադարձություններին: Ավելորդ չէ նշել, որ ԱՄՆ Պետդեպարտամենտի սոցիարցումների համաձայն *ANS TV* որպես տեղեկատվության հիմնական աղբյուր նշել է հարցվածների մեծամասնությունը՝ 70.6%-ը⁸:

⁵ <http://www.hrw.org/ru/world-report-2010-8>,

<http://www.memo.ru/hr/hotpoints/caucas1/msg/2007/01/m79817.htm>









⁶ <http://www.rferl.org/content/article/1073092.html>, <http://www.day.az/news/politics/64608.html>,

<http://www.day.az/news/politics/64710.html>, <http://www.day.az/news/politics/64654.html>






<http://www.day.az/news/politics/64575.html>

⁷ http://news.bbc.co.uk/hi/russian/international/newsid_7806000/7806029.stm

⁸ <http://www.regnum.ru/news/1283074.html?forprint>

Հեռուստա-ընկերություն	Տարբերա-նշան	Ստեղծ-ման տարեթիվը	Հեռարձակման լեզուն	Առկախ (<i>online</i>) համացանցային տարբերակ	Վեբ-կայքը	Գարգավի-ձակը	Արբանյակային հեռարձակում
Azerbaijan Televizyasi (AzTV)	 Az TV	1956	ադրբեջաներեն	ունի	http://www.aztv.az	պետական հ/ը	ունի
Ictimai (ITV)	 İctimai	2005	ադրբ.- 80% այլ - 20%	ունի	http://www.itv.az	հանրային հ/ը	ունի
Azerbaijan News Service (ANS)	 Ans TV	1991	ադրբ. - 84.1% այլ - 15.9%	չունի	http://www.anstv.ws	մասնավոր հ/ը	ունի
"Azad Azərbaycan" Televiziyası (ATV)	 Azad TV	2002	ադրբեջաներեն	չունի	http://www.atv.az	մասնավոր հ/ը	ունի
Lider TV	 Lider TV	1999-2000	ադրբ. - 80% այլ - 20%	ունի	http://www.lidertv.com	մասնավոր հ/ը	ունի
Space TV	 Space	1997	ադրբ. - 90% այլ - 10%	չունի	http://www.spacetv.az	մասնավոր հ/ը	ունի
Xəzər Televiziyası	 Xazar	2007	ադրբ. - 90% այլ - 10%	չունի	http://www.xazar.tv	մասնավոր հ/ը	ունի
"İdman Azərbaycan" Televiziyası (մարզական ալիք)	 IDMAN	2009	ադրբեջաներեն	չունի	http://aztv.az/idman.html	պետական հ/ը մաս	ունի

⁹ Աղյուսակում ներկայացված տվյալները բերված են ըստ Ադրբեջանի Հանրապետության Հեռուստատեսության և ռադիոյի ազգային խորհրդի պաշտոնական կայքի՝ <http://www.ntrc.gov.az/?/az/content/226/>

Հեռուստա- ընկերություն	 Az TV	 İctimai	 Ans TV	 Azad TV	 Lider TV	 Space
Օրեր						
<i>Երկուշաբթի</i>	08:00, 11:00, 14:00, 17:00, 20:00, 00:00 – “Xeberler” (Լուրեր) 18:00 – Xeberler (ռուսերեն) 02:00 – Xeberler (անգլերեն)	08:00, 12:00, 17:00, 20:00, 23:00 – “Carçı” լրատվական թողարկում 14:00 – “Carçı” լրատվական թողարկում ռուսերեն	12:00, 15:00, 18:00, 21:00, 00:00 - Xəbərçi (Բանբեր) 15:30, 23:00 – Ներքին լուրեր	09:00, 14:00, 20:30 – Son Xeber (Վերջին լուրեր)	09:00, 13:00, 19:00, 00:00 – Seda (ՁԱՅՆ) լրատվական ծրագիր 19:45 – Seda+	9:00, 13:00, 17:00, 20:30 – “Her Gun” (Ամեն օր)
<i>Երեքշաբթի</i>	08:00, 11:00, 14:00, 17:00, 20:00, 00:00 – “Xeberler” (Լուրեր) 18:00 – Xeberler (ռուսերեն) 02:00 – Xeberler (անգլերեն)	08:00, 12:00, 17:00, 20:00, 23:00 – “Carçı” լրատվական թողարկում 14:00 – “Carçı” լրատվական թողարկում ռուսերեն	12:00, 15:00, 18:00, 21:00, 00:00 - Xəbərçi (Բանբեր) 15:30, 23:00 – Ներքին լուրեր	09:00, 14:00, 20:30 – Son Xeber (Վերջին լուրեր)	09:00, 13:00, 19:00, 00:00 – Seda (ՁԱՅՆ) լրատվական ծրագիր 19:45 – Seda+	9:00, 13:00, 17:00, 20:30 – “Her Gun” (Ամեն օր)
<i>Չորեքշաբթի</i>	08:00, 11:00, 14:00, 17:00, 20:00, 00:00 – “Xeberler” (Լուրեր) 18:00 – Xeberler (ռուսերեն) 02:00 – Xeberler (անգլերեն)	08:00, 12:00, 17:00, 20:00, 23:00 – “Carçı” լրատվական թողարկում 14:00 – “Carçı” լրատվական թողարկում ռուսերեն	12:00, 15:00, 18:00, 21:00, 00:00 - Xəbərçi (Բանբեր) 15:30, 23:00 – Ներքին լուրեր	09:00, 14:00, 20:30 – Son Xeber (Վերջին լուրեր)	09:00, 13:00, 19:00, 00:00 – Seda (ՁԱՅՆ) լրատվական ծրագիր 19:45 – Seda+	9:00, 13:00, 17:00, 20:30 – “Her Gun” (Ամեն օր)
<i>Հինգշաբթի</i>	08:00, 11:00, 14:00, 17:00, 20:00, 00:00 – “Xeberler” (Լուրեր) 18:00 – Xeberler (ռուսերեն) 02:00 – Xeberler (անգլերեն)	08:00, 12:00, 17:00, 20:00, 23:00 – “Carçı” լրատվական թողարկում 14:00 – “Carçı” լրատվական թողարկում ռուսերեն	12:00, 15:00, 18:00, 21:00, 00:00 - Xəbərçi (Բանբեր) 15:30, 23:00 – Ներքին լուրեր	09:00, 14:00, 20:30 – Son Xeber (Վերջին լուրեր)	09:00, 13:00, 19:00, 00:00 – Seda (ՁԱՅՆ) լրատվական ծրագիր 19:45 – Seda+	9:00, 13:00, 17:00, 20:30 – “Her Gun” (Ամեն օր)

<i>Ուրբաթ</i>	08:00, 11:00, 14:00, 17:00, 20:00, 00:00 – “Xeberler” (Լուրեր) 18:00 – Xeberler (ռուսերեն) 02:00 - Xeberler (անգլերեն)	08:00, 12:00, 17:00, 20:00, 23:00 – “Carçi” լրատվական թողարկում 14:00 - “Carçi” լրատվական թողարկում ռուսերեն	12:00, 15:00, 18:00, 21:00, 00:00 - Xəbərçi (Բանբեր) 15:30, 23:00 – Ներքին լուրեր	09:00, 14:00, 20:30 – Son Xeber (Վերջին լուրեր)	09:00, 13:00, 19:00, 00:00 – Seda (ՁԱՅՆ) լրատվական ծրագիր 19:45 – Seda+	9:00, 13:00, 17:00, 20:30 – “Her Gun” (Ամեն օր)
<i>Շաբաթ</i>	08:00, 11:00, 14:00, 17:00, 20:00, 00:00 – “Xeberler” (Լուրեր) 18:00 – Xeberler (ռուսերեն) 02:00 - Xeberler (անգլերեն)	08:00, 12:00, 17:00, 20:00, 23:00 – “Carçi” լրատվական թողարկում 14:00 - “Carçi” լրատվական թողարկում ռուսերեն	12:00, 15:00, 18:00, 21:00, 00:00 - Xəbərçi (Բանբեր) 15:30, 23:00 – Ներքին լուրեր	09:00, 14:00, 20:30 – Son Xeber (Վերջին լուրեր)	13:00- Seda 19:00 –Seda Hafta (շաբաթվա ամփոփում)	9:00, 13:00, 17:00, 20:30 – “Her Gun” (Ամեն օր) 19:30 – «Քաղաքակրթության ժամը» ինֆորմացիոն հաղորդում
<i>Կիրակի</i>	11:00 – Շաբաթվա համայնապատկեր (անգլերեն) 12:00 – Ծառայում եմ Ադրբեջանի Հանրապետությանը 14:00 – Xeberler 20:00 – Hevte (Շաբաթ) վերլուծական ինֆորմացիոն ծրագիր	12:00, 17:00 - “Carçi” լրատվական թողարկում 20:00 – “Yekun”(“Ամփոփում”) վերլուծական ծրագիր	12:00, 15:00, 18:00 - Xəbərçi (Բանբեր) 21:00 – Hesabat լրատվական թողարկում	20:00 – Xefte sonu (Շաբաթվա վերջ)		20:00 – «Ամեն շաբաթ» վերլուծական ծրագիր

Բացի վերը նշված հանրապետական նշանակության 8 հեռուստաընկերություններից, Ադրբեջանում գործում են նաև շրջանային հեռուստաընկերություններ (*տե՛ս Աղյուսակ 3*):

Աղյուսակ 3

Հեռուստաընկերություն/ կայքը	Քաղաք/շրջան	Ստեղծման տարեթիվը
"Alternativ" TV (Ալտերնատիվ)	Գյանջա	2001
"Kəpəz" (Կյեփեզ) http://kapaz.tv/	Գյանջա	1993
"Aygün" TV (Այգուն)	Զաքաթալայի շրջան	1996
"Dünya" (Դյունյա)	Սունգայիթ	1998
"Xəyal" (Խեյլեյ)	Ղուբա	1998
Qütb (Գյուլթեբ)	Ղուբա	1995
"Cənub TV" (Ջանուբ)	Լենքորան/Ջանուբի շրջան	2006
"Mingəçevir" (Մինգեչաուր)	Մինգեչաուր	1998
"Simurq M" (Սիմուրգ)	Թուվուզ	1998
"Kanal-S" ՍՊԸ	Շաքի	2006
"RTV"	Խաչվազի շրջան	2006
"EL" TV	Եվլախ	2006
Նախիջևանի Ինքնավար Հանրապետության Հեռուստատեսության և ռադիոյի ազգային խորհուրդ	Նախիջևանի Ինքնավար Հանրապետություն	1963
"Kanal 35" http://www.kanal35.tv	Նախիջևանի Ինքնավար Հանրապետություն	2004

Հանրապետական նշանակության և շրջանային հեռուստաընկերություններից բացի, Ադրբեջանում հեռարձակման իրավունք ունի նաև թուրքական TRT1 հեռուստաալիքը (1995-ից ի վեր): Հիշեցնենք, որ 2007թ. Հեռուստատեսության և ռադիոյի ազգային խորհրդի որոշմամբ Ադրբեջանի տարածքում արգելվեց ռուսական և թուրքական հեռուստաընկերությունների հեռարձակումը:

Թուրքական և ռուսական հեռուստաալիքների հեռարձակման դադարեցումից հետո Ադրբեջանում ծաղկեց արբանյակային ալեհավաքների վաճառքը¹⁰:

Վերոհիշյալ որոշման արդյունքում բավական արագ զարգացում ապրեց նաև կաբելային հեռուստատեսությունը: Կաբելային հեռուստաընկերությունները եթեր են հեռարձակում հաղորդումներ, որոնցում միջինը 10%-ը կազմում են ադրբեջանական, իսկ մնացած գերակշռող մասը՝ արտասահմանյան արտադրության հաղորդումները: Ուշագրավ է, որ կաբելային հեռուստատեսության հնարավորություն ունեցող հեռուստադիտողների միայն 34%-ն է դիտում տեղական ալիքներ: Փաստորեն, ադրբեջանցիները, հատկապես մայրաքաղաք Բաքվում, գերադասում են դիտել կաբելային կամ էլ արբանյակային հեռուստատեսություն: Այնպես որ, սովորական երևույթ է դարձել Բաքուն սպիտակ արբանյակային ալեհավաքներով ծածկված տեսները:

Այսպիսով, Հեռուստատեսության և ռադիոյի ազգային խորհրդում գրանցված կաբելային հեռուստաընկերությունները ներառված են *Աղյուսակ 4-ում*:

¹⁰ <http://www.rian.ru/analytics/20070718/69193125.html>

Հեռուստաընկերություն/ կայք	Քաղաք/շրջան	Ստեղծման տարեթիվը
"Baku and Boston TV Communication" ՍՊԸ	Բաքվի շրջան	1997
"AG Telekom" ՍՊԸ	Բաքվի շրջան	2006
"Neptun" ընկերություն	Բաքվի շրջան	2006
"FARAON-1" ՍՊԸ	Բաքվի շրջան	2001
"DIGICOM" ՍՊԸ	Բաքվի շրջան	2006
"Sky" ՍՊԸ	Բաքվի շրջան	2006
"Qlobal Telecom" ՍՊԸ	Բաքվի շրջան	2002
"SN Telekom" ՍՊԸ	Բաքվի շրջան	2006
"SKY MAX" ՍՊԸ	Բաքվի շրջան	2007
"AzHINet" (Azerbaijan Home Information Networks) ՍՊԸ	Բաքվի շրջան	2006
"AN Media" ՍՊԸ	Բաքվի շրջան	2006
"Azad Azərbaycan" (ATV-ի դուստր ընկերություն) http://www.azadazerbaijan.com	-	2007
"Sam" ՍՊԸ	Բաքվի շրջան	2004

Աղբյուրազանց հեռուստաալիքների մոնիթորինգով զբաղվել են մի շարք կազմակերպություններ, որոնցից հարկ է առանձնացնել *SIAR* և *AGB Nielsen Media Research* կազմակերպությունները: Համաձայն *SIAR*-ի կատարած հետազոտությունների, Աղբյուրազանց հեռուստացույց դիտողների հիմնական տարիքային խումբն ընդգրկում է 55-64 տարեկան հեռուստադիտողներին, որին հաջորդում է 35-44 տարեկանների խումբը: Հեռուստաձրագրերում գերակշռում են ժամանցային հաղորդաշարերն ու հեռուստասերիալները: Ազգային ինտերնետ ֆորումի նախագահ Օսման Գյունդուզը նշում է, որ աղբյուրազանց հեռուստատեսային եթերի 99%-ը կազմում են ժամանցային հաղորդումները: Ընդ որում, առավել մեծ լսարան ունեն քրեական հաղորդաշարերն ու շոու ծրագրերը, սպա հեռուստատեսային սերիալներն ու հումորային հաղորդաշարերը¹¹:

Տիրող վիճակի քննադատությամբ 2009թ. աշնանը հանդես եկավ Աղբյուրազանի նախագահի աշխատակազմի ղեկավար Ռամիզ Մեխթիևը: Նա անվանապես նշեց մի քանի հաղորդաշար, որոնք, նրա խոսքերով, «ապականում են եթերը»¹²:

Այս քննադատությունից հետո աղբյուրազանց հեռուստաընկերությունների եթերում տեղի ունեցան աննշան փոփոխություններ, որոշ հաղորդումներ հանվեցին եթերից, սակայն այս տարի կրկին աճել են սկանդալային բնույթի ժամանցային ծրագրերը, եթերում գերակայում է կենցաղային մակարդակի լեզուն¹³:

Այս տարվա ապրիլին Հեռուստառադիոյի ազգային խորհուրդը հայտարարեց, որ կբացվի աղբյուրազանց *«Культура»* հեռուստաալիքը, որի համար մրցույթ կհայտարարվի ամռանը: Խորհուրդն այս հեռուստաընկերության հիմնադրումը հիմնավորում է այն մեծ բացթողումների և թերությունների առկայությամբ, որ կա հեռուստատեսության ոլորտում¹⁴:

Վերջին տարիներին հատկապես ուշադրություն է դարձվում համացանցային հեռուստատեսության զարգացմանը: Այսպես, ինչպես երևում է *Աղյուսակ 1-ից*, հանրապետական նշանակություն ունեցող հեռուստաընկերություններից 3-ն ունեն իրենց համացանցային առկալի (*on-line*) տարբերակները¹⁵:

Սակայն այսօրվա չի սահմանափակվում համացանցում գործող աղբյուրազանց

¹¹ <http://www.apa.az/en/print.php?id=98356>

¹² <http://www.azertag.com/store/News/Politics/EFIRNOE%20PROSTRANSTVO.doc>

¹³ http://ru.apa.az/news_Нуширеван_Магеррамли:_«Проведенные_НСТР__160631.html

¹⁴ <http://vesti.az/news.php?id=37506>

¹⁵ <http://tv-online-channels.com/online-tv/Azerbaijan-tv-channels-98.html>

հեռուստաալիքների թիվը: Արդեն մի քանի տարի է՝ Իրանում գործում է *Tabriz TV*-ն, որի հիմնական լսարանը հյուսիսարևմտյան Իրանի ադրբեջանախոս բնակիչներն են: *Tabriz TV*-ն հիմնականում ժամանցային բնույթի ալիք է:

Հավելենք նաև, որ այս տարվա սկզբին Թուրքիայում ադրբեջանցիների նախաձեռնությամբ բացվեց *CanAz (Can Azerbaijan)* ինտերնետ *TV*-ն, որի հեռարձակման լեզուն ադրբեջաներենն է:

Կան հեռուստաալիքներ, որոնք գործում են արտասահմանում: Բավական երկար ժամանակ Ռուսաստանում գործում է ադրբեջաներեն լեզվով (կան նաև հաղորդումներ ռուսերեն և անգլերեն) հեռարձակվող «*ИнтерАз*» *TB*-ն: Այն հիմնադրվել է 2002թ.՝ նպատակ ունենալով համախմբել Ռուսաստանի Դաշնության տարածքում բնակվող ադրբեջանցիներին, պատմել և ծանոթացնել Ադրբեջանի պատմությանը, մշակույթին, ինչպես նաև ժամանակին ապահովել տեղեկատվություն Ադրբեջանում տեղի ունեցող իրադարձությունների մասին: Նշենք, որ 2007թ. հունիսին հեռուստաընկերության նախագահ Սալիխ Խուդիևի դեմ մահափորձ էր կատարվել Մոսկվայում, շատերը դա կապում էին հեռուստաընկերության գործունեության հետ: Ընդամենը մեկ ամիս անց՝ հուլիսին, հեռուստաընկերությունը դադարեցրել էր գործունեությունը: Նախագահի խոսքերով, տարբեր բիզնես և քաղաքական ուժեր նրան անընդհատ համոզում են վաճառել ընկերության բաժնետոմսերը, սակայն ինքը մերժել է դրանք, իսկ ստեղծված ծանր պայմանները հանգեցրել են ֆինանսական ճգնաժամի, և հեռարձակումը դադարեցվել է: 2007թ. դեկտեմբերին ընկերությունը վերականգնեց գործունեությունը և այժմ, արբանյակային ալիք լինելով, հեռարձակվում է ՌԴ-ում և մերձավորարևելյան երկրներում:

Անհրաժեշտ է առանձնացնել նաև *Gunaz (Guney Azerbaijan – Հարավային Ադրբեջան) TV*-ն, որը հեռարձակվում է Չիկագոյից և բավական մեծ լսարան ունի: Արդեն անվանումից պարզ է, որ հեռուստաընկերության թիրախային լսարանը, այսպես կոչված, «Հարավային Ադրբեջանի» բնակչությունն է: Ադրբեջանը հավակնություններ է ցուցաբերում Իրանի հյուսիսարևմտյան շրջանների նկատմամբ որպես «պատմական Ադրբեջանի տարածքներ»¹⁶ և փորձում է որոշակի ազդեցություն ձեռք բերել այդտեղ բնակվող ադրբեջանա-խոս բնակչության վրա: Այն հեռուստադիտողին է ներկայացնում ադրբեջաներենով ամենաբազմազան հաղորդումներ և լրատվություն: Իսկ կայքում կա առանձին պարսկերեն հարուստ բաժին, որը կրկին հստակ քարոզչական նպատակ է հետապնդում:

Եվ վերջում անհրաժեշտ է նաև անդրադառնալ ադրբեջանական միջազգային հեռուստաալիքին՝ *ATV (Azad Azerbaijan - Ազատ Ադրբեջան) Internatioanal*-ին: Այն աշխատանքն սկսել է 2009թ. հոկտեմբերի 5-ից: Համաձայն *ATV* հեռուստաընկերության (որի դուստր ընկերությունն է համարվում *ATV International*-ը) փոխնախագահ Նաթիգ Բերահիմովի խոսքերի՝ «հեռարձակվելու են նորություններ վեց լեզվով, այդ թվում և հայերեն, որի միակ նպատակը հոգուտ Ադրբեջանի քարոզչությունն անելն է տարբեր լսարաններում»¹⁷:

Ադրբեջանը՝ ԼՂՀ-ին սահմանակից որոշ շրջաններում ադրբեջանցի հեռուստադիտողները հնարավորություն ունեն դիտելու նաև ՀՀ և ԼՂՀ որոշ հեռուստաալիքներ:

Ամփոփելով նշենք, որ հայ-ադրբեջանական հակամարտության տեսանկյունից անգամ ամենապարզ դիտարկումները ցույց են տալիս, որ ադրբեջանական հեռուստատեսությամբ տարվող քարոզչությունը հիմնական թիրախային խումբ է դիտարկում իր երկրի բնակչությանը՝ հաշվի առնելով քարոզչության լեզուն (մեծ մասամբ՝ ադրբեջաներեն), անընդհատ կրկնվող թեզերը:

Անշուշտ, հայ-ադրբեջանական հակամարտության տեսանկյունից ադրբեջանական հեռուստատեսությամբ իրականացվող քարոզչությունը պահանջում է պատշաճ ուշադրություն և առավել խոր ու գիտական ուսումնասիրության կարիք ունի:

¹⁶ <http://www.mct.gov.az/?/ru/azerbaijan/1999/16>

¹⁷ <http://www.day.az/news/hitech/149378.html>